



CYNGOR TREF LLANBEDR PONT STEFFAN
COFNODION CYFARFOD 30.09.2010 AM 7.30PM A GYNHALIWYD YN
NEUADD YR EGLWYS LLANBEDR PONT STEFFAN

I. CROESO GAN Y CADEIRYDD

Croesawodd y Maer Rob Phillips yr holl aelodau i'r Cyfarfod.
Offrymwyd gweddi gan y Cyng. John Davies

YN BRESENNOL

Cyng Maer Rob Phillips (Cadeirydd);
Dirprwy-Faer Robert (Hag) Harris (Is-Gadeirydd);
Cyng. Cecilia Barton; Andrew Carter; Elsie Dafis;
John Davies; Margaret Davies-Evans;
Greg Evans; Lynda Mason-George;
Kistiah Ramaya & Selwyn Walters;

Y Plismon Richard Marshall;
Gohebydd y Wasg sy'n gweithio ar liwt ei hun Mr Carl Stringer;
Mr Dafydd Pugh-Jones, Rheolwr Gofal a Thrwsio, Ceredigion;
Mrs Anthea Jones; Swyddog Gofal a Thrwsio (Canolbarth Ceredigion).

2. CYFLWYNIAD GOFAL A THRWSIO CEREDIGION

Derbyniwyd cyflwyniad gan Mr Dafydd Pugh-Jones a Mrs Anthea Jones, cynrychiolwyr y mudiad Gofal a Thrwsio, Ceredigion. Sefydlwyd ym 1995 i gynig cyngor a chymorth i bobl hŷn a'r bregys anabl i'w galluogi i gadw'n annibynnol ac i aros yn eu cartrefi cyhyd â phosibl. Y mae'r gwasanaeth yn rhad ac am ddim ac ar gael ar gyfer perchenogion tai a thenantiaid preifat. Ariennir gan y Cynulliad Cenedlaethol a'r Awdurdod Lleol ac yn ymroi i weithio mewn partneriaeth â'r Cyngor Sir Ceredigion (CSC) a'r Ymddiriedolaeth GIG.

Y mae cynrychiolwyr *Gofal a Thrwsio Ceredigion* yn ymweld â holl gleientiaid yn eu cartrefi ac yn cynnig gwasanaeth amrywiol sy'n ymwneud â gwelliannau/addasiadau i'r tŷ; materion technegol/effeithlonrwydd ynni yn y cartref; cynnig cyngor ar fudd-daliadau a grantiau posibl; ac os yn berthnasol, eu cyfeirio at asiantaethau eraill. Beth bynnag, nid yw'r mudiad yn talu am y gwaith; cynnig argymhellion; codi gobeithion na gwarantu'r gwaith.

Gwasanaeth arall a gynigir yw'r *Cynllun Diogelwch Cartref*- gwasanaeth ymweld â'r cartref ar gyfer pobl hŷn i asesu a chynghori ar ddiogelwch yn y cartref. Bydd unrhyw waith sydd wedi'i gytuno yn cael ei wneud am ddim gan eu Crefftwyr Diogelwch Cartref. Mae'r Cynllun yn trafod materion megis Atal damweiniau a chwympto; diogelwch yn y cartref; diogelwch tân; cadw'n ddiogel yn y tŷ ac arbed ynni. Gellir cysylltu â'r Swyddfa Gofal a Thrwsio, Bodlondeb, Penparcau, Aberystwyth SY23 1SJ; Ffôn 01970 639920 neu drwy ebost gofalathrwsio@cantref.co.uk Dydd Llun-Dydd Gwener 9-4.30pm. Y mae 2 enghraifft sy'n dangos y mathau o waith y mae *Gofal a Thrwsio* ynghlwm â hwynt yn atodol. (Atodiad 1)

YMDDIHEURIADAU A MATERION PERSONOL

Derbyniwyd ymddiheuriadau oddi wrth y Cynghorwyr Tref Chris Thomas; Dorothy Williams & Derek Wilson.

3. MATERION YN YMWNEUD Â'R HEDDLU

Bu i'r Plismon Richard Marshall ddiweddarau aelodau parthed digwyddiadau diweddar.

- 3.1 Ardal Gwahardd Alcohol ar gyfer Llambod** – Yn ystod y cyfarfod diwethaf bu i aelodau fynegi consyrn parthed yr adleoliad o bosib o broblemau i ardaloedd nad oedd wedi derbyn y statws Ardal Gwahardd Alcohol. Nid oedd hyn wedi digwydd cyn belled. Y mae'r arfer o yfed alcohol yn dal i fynd yn ei flaen ar Sgwâr Harford a'r Parc-St.Germain-sur-Moine er iddynt dderbyn statws Parth Di-Alcohol yn ddiweddar. Cipiwyd alcohol o feddiant unigolion a bydd un person o bosibl yn derbyn cosb yn ymwneud â'r ddalfa.
- 3.2 Chwalwyd cerrig beddau** mynwent Eglwys San Pedr, yn ddiweddar. Awgrymodd y Dirprwy-Faer y gallai'r Cyngor Tref (CT) lansio Apêl, yn cynnig y cyfle i aelodau'r cyhoedd i wneud cyfraniadau tuag at y gost o atgyweirio'r cerrig beddau. Byddai'n bosibl hefyd i'r CT wneud cyfraniad.
Penderfyniad: Y Maer i grybwyll y syniad gerbron y Parch. Canon Aled Williams.
- 3.3 Y mae nifer o flychau** Elusennau, wedi eu lleoli mewn gwahanol safleoedd o fewn y dref, wedi eu dwyn ac arestiad wedi dilyn.
- 3.4 Y mae hylif-golchydd** yn cael ei daflu i'r Ffynnon ar Sgwâr Harford ac fel canlyniad y mae gorlifiad o ewyn yn arllwys ar y palmant.
- 3.5 Y mae'r fan transit heb dreth** a gyfeiriwyd ato yn ystod cyfarfod mis Awst y CT yn dal i fod wedi ei barcio ar y Cwmin. Yr heddlu i glustnodi sylw pellach i'r mater.
- 3.6 Y mae'r nifer o droseddau wedi disgyn yn Llambod**, wrth gymharu â blynyddoedd cynt.

4. DATGELU BUDDIANNAU PERSONOL A SY'N RHAGFARNU

- 4.1 Bu i'r Cyng. Harris** ddatgan buddiant personol a sy'n rhagfarnu yn ystod y drafodaeth yn ymwneud â'r Arolwg o Drefniadau Etholiadol Cynigion Drafft, Sir Ceredigion. (Cofnod 7.4)
- 4.2 Bu i'r Cyng. Carter** ddatgan buddiant personol pan yn trafod yr ymholiad parthed yr hawl i arddangos ddisgl loeren mewn ardal gadwraeth. (Cofnod 6.7)

5. CADARNHAU COFNODION y cyfarfod a gynhaliwyd ar yr 26^{ain} o Awst 2010

Penderfynwyd bod cofnodion mis Awst yn gofnod cywir.

6. MATERION SY'N CODI

- 6.1 Sefydlu Pwyllgor Ymgynghorol Rheoli Traffig rhwng cynrychiolwyr Cyngor Sir Ceredigion a'r Cyngor Tref:** Enwebwyd y Cyng. Selwyn Walters i fynychu'r cyfarfod ar ran y CT. Trefnwyd cyfarfod ar gyfer y 14eg Ionawr 2011. Bydd cynrychiolaeth ar y pwyllgor yn cynnwys nifer o fudiadau gan gynnwys cynghorau cymuned yr ardal.
- 6.2 Gwelliannau ar gyfer Sgwâr Harford**
Cynhaliwyd cyfarfod safle ar y 9fed o Fedi. Bu i'r Maer lunio rhestr o welliannau a dderbyniodd gymeradwyaeth arwahân i fân newidiadau. (Atodiad 2).
Derbyniwyd llythyr gan un o drigolion hŷn y dref yn mynegi bod y gwelliannau arfaethedig cosmetig i'r Sgwâr heb eu hangen a gofyn tybed a fyddai'n bosibl i gyfnewid y cerrig mân am darmac. Yn ei thŷb hi, roedd y cerrig mân yn

gythrydd damwain, yn enwedig yn ystod tywydd gwlyb pan fo'r cerrig yn llithrig. Yn yr ymateb, mynegir ei fod yn fwriad gan y CT i ail-gyfunioni'r cerrig sy'n berygl o ran iechyd a diogelwch. Y mae aelodau o'r farn bod y Sgwâr yn un o nodweddion, holl bwysig y dref ar Ffynnon ei hun yn drysor gwerthfawr. Bwriad y CT yw cadw a diogelu cymeriad canol-bwynt y dref, a fyddai'n debygol o gael ei golli petai penderfyniad yn cael ei wneud i osod tarmac yn yr ardal.

6.3 Arwyddion o fewn y dref:

- Arwydd ar gyfer y ffin Sir Gâr/Ceredigion &
- Arwyddion Bryn-yr-Eglwys/Penbryn & Maesyderi/Gwêl y Creuddyn: disgwylir datblygiadau pellach gan y Cyngor Sir parthed yr uchod.

6.4 Hysbysfwrdd y Cyngor Tref: Cyng. Wilson i beintio'r hysbysfwrdd yn ystod y dyfodol agos.

6.5 Dolen ar gyfer y safle ar y we – hanes y dref – y mae enwau Meiri'r gorffennol, Tref Llambled, wedi eu harddangos ar safle ar y we y Cyngor Tref.

6.6 Dodrefn y Cyngor Tref: Adroddodd y Cyng. Walters y gallai'r dodrefn, sydd wedi eu storio yn Swyddfa'r Cofrestrydd, Llambled aros yn eu hunfan yn ystod y dyfodol agos. Bydd angen cartref parhaol arnynt maes o law. Derbyniwyd 2 ymateb i'r erthygl yn y papur newydd y Cambrian News gan Mr Hefin Evans (Brodyr Evans Asiantwyr Ystadau Llambled) a Martin, Rheolwr, Gwesty Tŷ Mawr, Cilcenninn. Ffawrwyd lleoliad o fewn Llambled ei hun. Y Cyng. Walters i gysylltu â Mr Hefin Evans i drafod ei syniad ymhellach.

6.7 Disgl loeren wedi ei harddangos ar y Stryd Fawr: ymholiadau yn mynd yn eu blaen.

6.8 Byntin adroddwd bod aelodau'r Siambr Fasnach wedi disodli'r byntin yr Urdd a oedd wedi ei arddangos drwy'r dref ers diwedd Ebrill eleni.

6.9 Gosod bin sbwriel ar balmant gyferbyn â bwthyn Troedrhwiw: gwrthodwyd y cais gan y Cyngor Sir gan nad yw'r cais yn cwrdd â'r gofynion penodedig. Beth bynnag, bydd y CSC yn monitereiddio'r sefyllfa.

6.10 Cyfarfod Canolfan Integredig i Blant 28ain o Fedi 2010: byddai dyfodiad Canolfan Integredig i Blant yn ddatblygiad positif i Llambled.

6.11 CCB Tai Cantref 16.09.2010: nid oedd cynrychiolaeth y Cyngor Tref yn bresennol yn ystod y cyfarfod.

6.12 Penderfynwyd mewn cyfarfod cynt i gyflwyno tarian i Mr Leno Conti fel cydnabyddiaeth o'i wasanaeth ymroddgar i'r dref dros ystod eang o flynyddoedd. Cytunwyd i lynu wrth y penderfyniad gwreiddiol sef i gyflwyno'r wobwr yn ystod Seremoni Urddo'r Maer 2011.

7. GOHEBIAETH

7.1 Rheoli Risg o Erydu Arfordirol a Llifogydd: Datblygu Strategaeth Genedlaethol i Gymru. Y CSC yn gofyn i'r Cyngor Tref petaent yn gallu eu cynorthwyo i ddarparu gwybodaeth ynghylch unrhyw feysydd o risg sylweddol o lifogydd y dylid gael eu nodi ac os yn bosibl ddarparu rhai dyddiadau o ba bryd y digwyddodd y llifogydd, eu maint, eu ffynhonnell a'u hachos. Y Cyng. Dafis a Carter i glustnodi sylw pellach i'r mater.

7.2 Cynigion i'w Trafod CCB: Un Llais Cymru 9.10.2010: nodwyd er gwybodaeth.

7.3 Cyfarfod Ymgynghorol Gofal a Thrwsio Ceredigion 20.10.2010: bydd y Dirprwy-Faer yn cynrychioli'r Cyngor Tref yn ystod y cyfarfod hwn.

7.4 Comisiwn Ffiniau Llywodraeth Leol i Gymru: Arolwg o Drefniadau Etholiadol Cynigion Drafft, Sir Ceredigion: penderfynwyd cefnogi Dewis Llanbedr Pont Steffan 2 sef cyfuno gydag Adran gyfagos Llanybi (ac eithrio

Wardiau Cyngor Cymuned Gartheli) gan gynyddu'r etholaeth i 3,007 a chreu Adran Etholiadol dau aelod (cymharb 1;1,503) **Penderfyniad:** Y Maer i gyflwyno ymateb cyn y 9.11.2010.

- 7.5 **Newidiadau i Gasgliadau Gwastraff o'r Cartref Ceredigion:** y mae'r CSC yn ymateb i dargedau y Llywodraeth Cynulliad Cymru ac yn anelu i gyfyngu ar faint y gwastraff a anfonir i dirlenwi. Bydd y gwasanaeth casglu sbwriel o'r cartref yma yng Ngheredigion yn golygu gwasanaeth casglu deunydd ailgylchu yn wythnosol yn ogystal â chyflwyno gwasanaeth casglu gwastraff bwyd yn wythnosol, ar gyfer y Sir gyfan. Dylai'r gwastraff fydd ar ôl gan gartrefi, gael ei osod mewn bagiau du a chânt eu casglu bob pythefnos. Byddai'n cael ei gyfleu bod y CT, o dan y system newydd, yn mynegi consyrn parthed y casglu o'r bagiau duon ar gyfer dirlewni, a gallai gael eu gadael tu allan i adeiladau ee fflatiau, a Thai'n cynnwys nifer o ddeiliaid.
- 7.6 **Cais am feinciau eistedd cyhoeddus ar gyfer y Stryd Fawr:** roedd y gohebydd wrth gefn i'r ymholiad o'r farn ei fod yn ddyledus ar y CT i ddarparu lle eistedd ar gyfer y Stryd Fawr, yn enwedig ar gyfer yr henoed. Dywedodd y Cyng. John Davies, a oedd o blaid y cais, ei fod yn fater hanesyddol ac yn y gorffennol roedd masnachwyr wedi bod yn amharod i ddarparu lle eistedd tu allan i'w siopau. Adroddwyd bod meinciau wedi eu lleoli, ers talwm, y tu allan i'r Tai Tafarn y Llew Du a'r Royal Oak. Byddai'r CT yn ceisio erfyn ar berchenogion adeiladau ar y Stryd Fawr i wirfoddoli'r ddarpariaeth hon.
- 7.7 **Cyfarfod Ymgynghorol â'r Cyngor Sir:** Tachwedd 2010: dylai materion i'w trafod yn ystod y Cyfarfod gael eu cyflwyno ymlaen llaw at y Cyngor Sir. **Penderfyniad:** i ystyried y fath o gwestiynau y gellir eu cyflwyno.
- 7.8 **Gohebiaeth eraill: er gwybodaeth yn unig.**

8. MATERION CYNLLUNIO

8.1 Caniatâd Cynllunio gan GSC

- 8.1.1 **Ymgeisydd Daliadau LAS Cyf:** newid defnydd o B1/B2 (Busnes a Diwydiant Cyffredinol) i D2 (Cydosiad & Hamdden) Cais Cynllunio: A100468. Lleoliad: 22 Parc Busnes Llambod. Dyddiad a hysbyswyd gan y CT 28.09.2010.
- 8.1.2 **Ymgeisydd Mr N Wright:** newid defnydd y llawr gwaelod o'i safle diweddaraf fel uned masnachol, defnydd Dosbarth A1 i le bwyta, defnydd Dosbarth A3. Cais Cynllunio: A100491. Lleoliad: llawr gwaelod, 18 Stryd Fawr, Llambod. Dyddiad a hysbyswyd y CT 18.09.2010.

8.2 Ceisiadau Cynllunio gan GSC: (cyflwyno ymateb o fewn 14 diwrnod – dirprwy swyddogaethau i ddirprwyaeth o'r CT).

- 8.2.1 **Rhif A100589:** Cais:estyniad llawr cyntaf, gwneud gwelliant i'r adeilad presennol i gynnwys estyniad i'r rhamp ar y fynedfa, a newid i agoriad y ffenest i ffurfio drws ychwanegol i'r fynedfa. **Sylwadau i'w cyflwyno erbyn y 30eg o Fedi: Dim gwrthwynebiad.**
- 8.2.2 **Rhif A100610CD:** Cais: Codi estyniad i'r bloc Dylunio a Thechnoleg, Ysgol Uwchradd Llambod. Angen ymateb erbyn 30eg o Fedi. **Sylwadau: Dim gwrthwynebiad.**

9. CYLLID

- 9.1 **Ad-daliad: Prifysgol Cymru** Y Drindod Dewi Sant Llanbedr PS £100 ar gyfer hirio'r Hen Neuadd 7.05.2010 ar gyfer Seremoni Urddo'r Maer.
- 9.2 **Tâl Band Llydan a Ffôn** 13 Mehefin – 12 Medi £93.67; TAW £16.39

- 9.3 **Siec Rhif 001868 £40:** Glanhau'r 4 cysgodfan bws Mr Mark Jenkins. Y mae debit uniongyrchol y *Banc Lloyds TSB* wedi ei sefydlu ar gyfer Mr Jenkins sef £20 y mis. Gwobrwywyd y cytundeb glanhau'r 4 cysgodfan bws y dref am £10 ar gyfer pob lloches bws, bob yn ail fis i Mr Jenkins.
- 9.4 **Siec Rhif 001869: £1,060:** Mr E. Williams am drin/dacluso'r llwybrau cerdded dros fisoedd yr haf. Derbyniwyd grant i gwrdd â 75% o'r gost o'r gronfa Cynllun Llwybrau Cymunedol CSC 2010 (£795) a 25% o goffrau'r Cyngor Tref.
- 9.5 **Siec Rhif 001870: £300:** Mr Mike Brown am dorri'r gwair ym Mharc-yr-orsedd Ebrill-fis Medi – un toriad y mis am dal o £50 y toriad.
- 9.6 **Siec Rhif 001871: Cyfraniad o £25** – Urdd Gobaith Cymru.
- 9.7 **Siec Rhif 001872: Cyfraniad o £50** – Relate Ceredigion
- 9.8 **Siec Rhif 001873:** golau a gwres a chostau storio (clerc) **£20.00**
- 9.9 **Siec Rhif 001874 - £6.12** – ad-daliad costau stampau (clerc)
- 9.10 **Siec Rhif 001875 - £10.50** – bagiau sbwriel ar gyfer Cae Maesyderi
- 9.11 **Siec Rhif 001876** – Cyflog y Clerc Medi **£632.27** (Gros)
- 9.12 **Y mae'r ffurflen yn ymwneud â** chyfrifon y CT am y flwyddyn ariannol 2009-10, wedi ei hanfon at yr Archwilwyr Allanol BDO Stoy Hayward Southampton i'w hystyried.
- 9.13 **Archwiliad Ariannol Mewnol: Penderfyniad-** y Maer i wirio'r holl daliadau'r Cyngor Tref, drwy gyfeirio at y datganiadau banc, bonion siec, anfonebau a'r cofnodion. Y Maer i wirio'r cyfrifon o Ebrill tan Medi, ac yn fisol ar ôl hynny.
- 9.14 **Derbyniwyd llythyr o ddiolch** gan Nikki Mead, Arweinyddes y Clwb Brownies, Llambled am y cyfraniad diweddar o £50.00 ar gyfer ei Chronfa Canmlwyddaint Gwersyll y Geidiau. Bu'r digwyddiad yn gyfle amhrisiadwy iddi gyfarfod geidiau eraill o gwmpas y byd, a phrofiad i gofio a'i drysori.
- 9.15 **Derbyniwyd llythyr o ddiolch** hefyd gan *Shelter Cymru* am y rhodd diweddar o £25.00

10. IS-BWYLLGORAU

10.1 Llwybrau Cerdded + Parc-yr-Orsedd

10.1.1 Parc-yr-Orsedd

Cwrs Hyfforddi Archwilio Meysydd Chwarae Gweithredol:

25/26/27 Hydref 2010. Y mae cynlluniau ar y gweill i'r Cyng. Chris Thomas i fynychu'r cwrs

- 10.1.2 **Y mae angen ail-glymu bin** i'r llawr a hefyd cloriau newydd ar gyfer y biniau: Oherwydd absenoldeb y Cyng. C Thomas ni sefydlwyd os oedd y mater wedi derbyn sylw.

10.1.3 **Heb eu cyflawni cyn belled:**

- **Masg ar gyfer y gât:** Mynedfa Heol y Gogledd;
- **Atgyweirio'r gât** ar fynedfa Bryn-yr-Eglwys a
- **Dod o hyd i** amnewidiad i'r asyn pren.

- 10.1.4 **Archwiliad Meysydd** Chwarae yn flynyddol CSC: yn cael ei gario allan yn ystod y dyfodol gan Digley Associates am dâl o £45 + TAW.

10.2 Camerau TCC

Adroddiad Misol Awst 2010: Bu yna 2 gais i arsylwi ar ddeunydd digidol yn ymwneud ag ysgarmes (18.08.2010) ac ymosodiad (15.08.2010). Roedd yr adnodd ffocws heb fod ar gael ar un o'r camera am un diwrnod (9.08.2010).

10.3 Pwyllgor Rheoli Cae Maesyderi

Cofnodion ynghlwm o'r cyfarfod o'r 15fed o Fedi.

11. U.F.A.

- 11.1 Trafodwyd strwythur Agenda'r Cyngor Tref.** O leiaf dri diwrnod clir cyn pob cyfarfod o'r cyngor neu bwyllgor, dylai cynghorwyr dderbyn yr agenda. Pennir y tri diwrnod clir yn y gyfraith oherwydd mae'n bwysig cael eich hysbysu am y materion i'w trafod. Ni ellir ychwaegu pynciau y mae angen dod i benderfyniad yn eu cylch ar yr agenda, ar ôl y terfyn amser o dri diwrnod clir; rhaid iddynt aros am gyfarfod arall.

Yn ôl arfer da a'r wybodaeth wedi ei gynnwys yn y *Canllawiau y Cynghorydd Da*, Llywodraeth Cynulliad Cenedlaethol crybwyllwyd y dylai eitemau ar yr agenda gael ei rhestru. Dylai pob eitem ar yr agenda nodi'n glir beth y mae disgwyl i bob cynghorydd ei wneud a bod yn fanwl gywir ynghylch y pwnc i'w drafod. Penderfynwyd i barhau i restru materion megis *Materion yn Codi, Gohebiaeth* a hefyd *Ceisiadau Cynllunio a Chyllid*. O dan UFA os bydd angen penderfyniad ar unrhyw fater, dylai cynghorwyr drosglwyddo'r gwybodaeth at law'r clerck o leiaf 3 diwrnod clir cyn y cyfarfod er mwyn ei gynnwys yn yr agenda, mewn ymgynghoriad â'r Cadeirydd. Bydd holl faterion eraill a drafodir yn cael eu nodi er gwybodaeth yn unig. Roedd rhai aelodau o'r farn os na fyddai unrhyw ddatblygiadau ynglŷn â ryw fater dan sylw, ni ddylid ei gynnwys ar agenda'r mis hwnnw ee Arwyddion y Dref. Cafodd materion eu cynnwys yn y gorffennol i atgofio cynghorwyr o faterion na ddaethpwyd i benderfyniad ynglŷn â hwy.

- 11.2 Bu i'r Cyng. John Davies atgofio** aelodau o'r Gwasanaeth Dydd Sul Y Cofio a gynhelir ar Ddydd Sul 14eg o Dachwedd. *I drafod ymhellach yn ystod y Cyfarfod nesaf.*

Bu i'r Cyfarfod ddirwyn i ben am 10.00pm.

12. DYDDIAD Y CYFARFODYDD NESAF

- 12.1 Pwyllgor Rheoli Cae Maesyderi: Nos Fercher 20fed o Hydref am 6.00pm yn Swyddfa Menter Llambod.**

- 12.2 Cyfarfod Misol nesaf: Nos Iau 28ain o Hydref am 7.30pm**

----- (Arwyddwyd/Dyddiad)